

Møtereferat

Dato: 18.03.2014

Til stades:	Margot Bertheussen, leiar Kåre Ystanes, nestleiar Ingeborg Borgen Takle, rådgjevar		
Forfall:			
Emne:	Referat Fylkeseldrerådet - arbeidsutvalet 14.03.14	Sak:	2014/557-17
Møtetid:	10:00-12:00	Møtestad:	Fylkesutvalssalen

Møteleiar: Margot Bertheussen
Referent: Ingeborg Borgen Takle

Sak 8/14 Islandsturen – siste oppdatering

Fylkeseldrerådet har betalt depositum på kr 12 000, og faktura på restsum kjem 21. mars 2014. AU saknar oversikt over billettar og anna praktisk informasjon. Eit fellesmøte mellom dei tre råda har vore diskutert og ein vil finne tid for dette under reisa. AU ser det som praktisk at eit slikt møte vert mellom leiarane, eventuelt dei tre AU, slik at møtet ikkje vert for stort.

AVGJERD

Ein førespurnad vert sendt til Sogn og Fjordane i samband med billettane og anna informasjon, samt om korleis dei ser føre seg eit fellesmøte.

Islandsturen – siste oppdatering vert ein referatsak på neste møte, og den siste informasjonen vert lagt fram.

Sak 9/14 Studietur med Erasmus+

Ingeborg Borgen Takle, som er rådgjevar for alle dei tre medverknadsorgana i fylkeskommunen (Fylkeseldrerådet, Rådet for menneske med nedsett funksjonsevne og Ungdommens fylkesutval), har kome med eit forslag om ein felles studietur for dei tre råda for sjå på korleis ein organiserer medverknadsorgan i eit anna land. Samtidig kan dei tre råda lære av kvarandre og sjå om det er områder ein kan samarbeide på. Neste frist for søknad er mars 2015. Rådet for menneske med nedsett funksjonsevne har allereie vist interesse.

AVGJERD

Studietur med Erasmus+ vert ein referatsak på neste møte. Eit møte vert forsøkt satt opp mellom leiar og nestleiar i dei tre råda før sommaren for å sjå på eit mogleg samarbeid.

Sak 10/14 Tema fylkeseldrerådskonferansen 2014

Fylkeseldrerådskonferansen vert heldt 7.-8. oktober på Hotel Terminus. Ein ønskjer allereie nå å sjå på moglege tema for konferansen. AU såg til dømes på tema som verdigheit, friviljugheit og universell utforming, særleg med tanke på bustadar. Aktuelle innleiarar er NAV, Husbanken, senterstrukturplanen.

AVGJERD

Tema fylkeseldrerådskonferansen 2014 vert ein sak på neste møte.

Sak 11/14 Tema eldredagen

Verdens aktivitetsdag vert arrangert 10. mai på Bergenhus festning og alle rådsmedlemar vert oppmana til å delta på denne.

AU meiner at eldredagen 1. oktober er eit viktig arrangement, men at fokus her bør vere på lokale arrangement.

AVGJERD

Fylkeseldrerådet kjem til å sende ut eit skriv som oppmanar kommunale råd til å gjennomføre arrangement på eldredagen, samt å oppmane eigne medlemar om å delta på sine lokale arrangement.

Sak 12/14 Krav om busstopp ved Ulset (Bergen eldreråd)

Fylkeseldrerådet har vore kopiert på fleire førespurnader frå Bergen eldreråd til blant anna Samferdselsavdelinga i fylkeskommunen, i samband med eit busstopp på Ulset som dei meiner er ein fare for liv og helse. Bergen Eldreråd har framleis ikkje fått svar på førespurnadane, sjølv den siste som vart sendt 6. februar 2014.

AVGJERD

Krav om busstopp ved Ulset vert ein sak på neste møte og fylkeseldrerådet vil be Samferdselsavdelinga om å kome for å gje ein orientering om saka.

Sak 13/14 Kollektivstrategi – høyringsuttale

Fylkeseldrerådet er invitert til å kome med ein uttale til kollektivstrategien til Hordaland fylkeskommune. Frist for innspel er 11. april.

AVGJERD

Kollektivstrategi – høyringsuttale vert ein sak på neste rådsmøte. Kåre Ystanes skriv eit utkast til uttale til 26. mars som vert presentert på rådsmøtet, samt at Samferdselsavdelinga vert bedt om å ha ein orientering om strategien på same møte. Ein kopi av planen vert sendt ut til alle medlemar.

Sak 14/14 Klimaplanen – rullering

Fylkeseldrerådet er invitert til å kome med ein uttale til rullering av klimaplanen til Hordaland fylkeskommune. Frist for innspel er 23. april.

AVGJERD

Klimaplanen vert lagt som ein referatsak til neste rådsmøte. Ein kopi av planen vert sendt ut til alle rådsmedlemene.

Sak 15/14 Samarbeid med eldreråd i Rogaland og Sogn og Fjordane

AU har eit ønskje om å samarbeide tettare med eldreråda i Rogaland og Sogn og Fjordane

AVGJERD

Eit brev vert sendt til fylkeseldreråda i Rogaland og Sogn og fjordane med informasjon om kor ein finn informasjon om møter og sakspapir til Fylkeseldrerådet i Hordaland, samt årsmeldinga.

Sak 16/14 Saksliste til rådsmøte 9. april

Orienteringar:

- Busstopp ved Ulset sjukeheim, Samferdselsavdelinga
- Kollektivstrategi, Samferdselsavdelinga

Sakar:

- Tema fylkeseldrerådskonferansen 2014
- Busstopp ved Ulset sjukeheim
- Kollektivstrategi – høringsuttale

Referatsakar:

- Islandsturen – siste oppdatering
- Studietur med Erasmus+
- Klimaplanen – rullering
- Grunnlovsfest – invitasjon til leiar av fylkeseldrerådet
- Protokoll frå eldrerådet i Nordland
- Økonomi – oversikt
- Konferanse om helsefremjande lokalsamfunn og nærmiljø
- «Grenselaus kultur?» - temadag i regi av Rådet for menneske med nedsett funksjonsevne i Hordaland